



Kisa m ka fè si yo arete m oswa kenbe m?



Sonje byen

- Ou gen dwa pou w rete **an silans**.
- Ou gen dwa pou w **pale ak yon avoka**.
- Ou pa oblije **siyen okenn dokiman** ni **reponn okenn kesyon** anvan ou pale ak yon avoka.

Ou gen **dwa mande yon entèprèt** pou nenpòt konvèsasyon ak ICE, oswa nenpòt randevou oubyen odyans yo ba ou. Ou ka di:
"I need an interpreter."
(Mwen bezwen yon entèprèt).

Lè yo detni w, **w ap gen opòtinite pou w rele** fanmi w, zanmi w, lidè nan kominote a, oswa avoka w.

Ou ka di ICE si w gen **pwoblèm medikal** oswa si w bezwen fè **aranjman pou gadri timoun**.

Nan detansyon, **ou ka resevwa vizitè**, tankou fanmi w, zanmi w, lidè kominotè w ak avoka w. Remake byen ke **chak prizon gen pwòp règleman li** ke vizitè yo dwe li davans.



- Si ajan ICE yo ap eseye pale avè w oswa arete w, kòmanse oswa kontinye anrejistreman an ka mete w an danje.
- Sepandan, **moun nan kominote a ka anrejistre ICE**, depi yo pa entèfere ak ofisye yo.
- Ou ka pataje ak avoka w nenpòt nòt odyo, videyo, oswa ekri sou arestasyon w lan ki soti nan men ou oswa yon moun ki te wè arestasyon w lan.



Kisa m ka fè si yo arete m oswa kenbe m?

Si ou oswa yon pwòch ou riske depòtasyon:



Òganize dokiman ou yo epi mete yo nan yon kote ki an sekirite kote kontak ijans ou yo ka jwenn yo.



Chwazi yon kontak ijans epi aprann nimewo telefòn li pa kè. Yon kontak ijans kapab yon moun ou fè konfyans tankou yon manm fanmi w, yon zanmi, yon lidè nan kominote a, oswa yon avoka.



Chwazi yon gadyen legal rezèv: yon moun ou fè konfyans pou pran swen pitit ou si yo ta mete ou nan prizon. Gadyen legal rezèv la gen pouvwa pou pran desizyon enpòtan pou yon timoun ki anba swen li, tankou gwo desizyon medikal ak desizyon sou kote timoun nan prale lekòl.

Eksplòre opsyon legal ou yo. Pale ak yon avoka ou fè konfyans epi evite fwod.

Liy Dirèk Sipò Legal Imigrasyon MOIA. Entèpretasyon Disponib



1-800-354-0365

Lendi rive Vandredi, 9AM pou 6PM

Sonje byen:

- Lalwa sou imigrasyon konplike anpil. Fè atansyon ak magouyè ki bay fo pwomès oswa moun ki pa gen lisans k ap fè poz bay sèvis legal imigrasyon.
- Yon notè piblik ki pa yon avoka ki gen lisans pa ka ranpli oswa depoze fòm imigrasyon pou ou. Yo pa dwe ba ou konsèy legal non plis .